



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj:
Sarajevo, __. __. 2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj __. __. 2022. godine, primilo je k znanju

Informaciju o realizaciji pomoći građanima čija je imovina uništena ili oštećena u poplavama iz novembra 2021. godine

PREDSJEDAVALJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BIH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o realizaciji pomoći građanima čija je imovina uništena ili oštećena
u poplavama iz novembra 2021. godine

Predlagač: Gradonačelnica
Obrađivač: Služba za lokalno poslovanje

Sarajevo, februar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija
o realizaciji pomoći građanima čija je imovina uništena ili oštećena
u poplavama iz novembra 2021. godine

U novembru 2021. godine Kanton Sarajevo je pogođen poplavama koje su izazvale materijalne štete u općinama Ilidža, Trnovo, Novi Grad, Vogošća i Ilijaš. Prema podacima sa 4. vanredne sjednice Štaba civilne zaštite Kantona Sarajevo, evidentiran je 341 objekat koji je poplavljen ili je bio ugrožen od poplava.

Po saznanju da je Sarajevo pogođeno poplavama, Gradsko vijeće grada Novog Pazara, na sjednici održanoj 9. novembra 2021. godine, donijelo je zaključak na osnovu kojeg je gradonačelnik Novog Pazara donio rješenje kojim se Gradu Sarajevu odobravaju sredstva u iznosu od 10.000 eura kao pomoć za otklanjanje posljedica nastalih uslijed elementarnih nepogoda-poplava.

Sredstva u iznosu od 19,565.17 KM uplaćena su na račun Grada Sarajeva 16.11.2021. godine.

Na zahtjev Gradske službe za finansije zatraženo je od Grada Novi Pazar da nam dostavi akt o namjeni uplaćenih sredstava, što je i učinjeno 22.11.2021. godine kada nam je stigao zaključak Gradskog vijeća Novog Pazara i rješenje gradonačelnika Novog Pazara.

Uvažavajući volju donatora da se novac utroši za otklanjanje posljedica koje su nastale uslijed poplava, utvrđeno je, a na osnovu informacije Civilne zaštite KS, da je na području gradskih općina šteta od poplava nastala u općini Novi Grad Sarajevo.

Gradska služba za lokalno poslovanje uputila je 03.12.2021. godine Općini Novi Grad zahtjev za dostavljanje podataka o građanima kod kojih je evidentirana šteta na stambenim objektima.

Općina Novi Grad 06.12.2021. godine, putem nadležne službe Civilne zaštite, dostavila je spisak od ukupno 60 građana čiji su stambeni objekti pretrpjeli štetu u novembarskim poplavama.

Gradska služba za finansije 05.01.2022. dostavila je Odluku o unosu uplaćenih primitaka od Grada Novi Pazar u Budžet Grada Sarajeva za 2021. godinu. Sredstva su raspoređena na poziciju tekući grant za nepredviđene izdatke. Realizacija se vrši na osnovu Pravilnika o kriterijima i postupku za korištenje finansijskih sredstava sa pozicije nepredviđeni izdaci iz Budžeta Grada Sarajeva („Službene novine Kantona Sarajevo“, broj 19/19). Važno je naglasiti da korisnici budžetskih sredstava po ovom osnovu mogu biti fizička lica koja imaju prijavljeno mjesto prebivališta, odnosno boravišta na području Grada Sarajeva (gradske općine).

Gradska služba za lokalno poslovanje kontaktirala je 05.01.2021. godine Općinu Novi Grad Sarajevo i tom prilikom došlo se do saznanja da je nadležna općinska komisija završila posao utvrđivanja šteta na privatnoj imovini, izuzev privrednih subjekata. Ta činjenica je važna, jer podnosioci zahtjeva za dodjelu jednokratne pomoći moraju osigurati dokaz o visini pretrpljene štete.

Gradska služba za lokalno poslovanje sačinila je Obavještenje građanima općine Novi Grad Sarajevo koji su u novembru 2021. godine pretrpjeli materijalnu štetu od poplava, a koje je objavljeno 11.01.2022. godine na službenoj web stranici Grada Sarajeva. Ujedno je urađen i postavljen na web stranicu Grada Sarajeva unificirani obrazac Zahtjeva za dodjelu pomoći na kojem je naznačeno tko i za koje vrste štete može podnijeti zahtjev, sa potrebnom dokumentacijom i rokom do kojeg bi trebalo dostaviti zahtjev (31.01.2022. godine).

Pored toga, telefonskim putem 11.01.2021. izvršeno je obavještanje građana sa spiska dostavljenog iz Općine Novi Grad sa uputom da mogu podnijeti zahtjev Gradu Sarajevu za dodjelu jednokratne novčane pomoći.

Do trenutka pisanja ove Informacije podneseno je 46 zahtjeva od ukupno 60 građana kod kojih je općinska služba Civilne zaštite evidentirala štetu. Jedan broj aplikacija nije potpun te su takvi podnosioci zahtjeva kontaktirani telefonskim putem i tražena im je dopuna dokumentacije.

U toku je kontrola pristiglih aplikacija i utvrđivanje osnovanosti podnesenih zahtjeva, nakon čega će se utvrditi konačan broj građana koji ispunjavaju uslove i kojima će biti dodijeljena jednokratna finansijska pomoć. Iznos će biti naknadno utvrđen i prijedlog je da se iznos planiranih sredstva podjeli sa brojem korisnika te da se svima isplati jednak iznos.

Gradska služba za lokalno poslovanje sve zahtjeve obrađuje u skladu sa kriterijima utvrđenim Pravilnikom te svoj obrazloženi stav s prijedlogom visine sredstava dostavlja gradonačelnici na odlučivanje. Gradonačelnica će donijeti Odluku o odobravanju sredstava. Podnosioci zahtjeva koji su odbijeni bit će o tome obavješteni.

Prema instrukciji Gradske službe finansija, sredstva za pomoć građanima pogođenim poplavama bit će operativna u martu, nakon završnog računa.